



**PRAVILNIK  
O IZMJENAMA I DOPUNAMA PRAVILNIKA O VISINI  
NAGRADE I NAKNADE TROŠKOVA NOTARA KAO  
POVJERENIKA SUDA U OSTAVINSKOM POSTUPKU**

Član 1.

U Pravilniku o visini nagrade i naknade troškova notara kao povjerenika suda u ostavinskom postupku ("Službene novine Federacije BiH", br. 23/15 i 59/15), u članu 11. riječi: "01.08.2015. godine do 01.08.2016. godine", zamjenjuju se riječima: "01.08.2016. godine do 01.08.2017. godine".

Broj 01-02-2-1547-6/15  
26. jula/srpnja 2016. godine  
Sarajevo

Ministar  
**Mato Jozić**, s. r.

**FEDERALNO MINISTARSTVO OKOLIŠA I  
TURIZMA**

1522

Na osnovu člana 70. Zakona organizaciji organa uprave u Federaciji Bosne i Hercegovine ("Službene novine Federacije BiH", broj 35/05), odredaba Zakona o ugostiteljskoj djelatnosti ("Službene novine Federacije BiH", broj 32/09), kao i Uredbe o načinu osnivanja i utvrđivanja visine naknade za rad radnih tijela osnovanih od strane Vlade Federacije Bosne i Hercegovine i rukovodioca federalnih organa državne službe ("Službene novine Federacije BiH", br. 48/14, 77/14, 97/14 i 58/15), federalni ministar okoliša i turizma donosi

**RJEŠENJE**

**O IMENOVANJU KOMISIJE ZA ODABIR  
PROIZVOĐAČA STANDARDIZIRANIH PLOČA ZA  
UGOSTITELJSTVO KOJE SE KORISTE ZA  
OZNAČAVANJE VRSTE I KATEGORIJE  
UGOSTITELJSKIH OBJEKATA PUTEM JAVNOG  
POZIVA**

I.

Imenuje se Komisija za provođenje postupka odabira proizvođača standardiziranih ploča za ugostiteljstvo koje se koriste za označavanje vrste i kategorije ugostiteljskih objekata u sljedećem sastavu:

1. Anto Čović, predstavnik Federalnog ministarstva okoliša i turizma - predsjednik,
2. Bisera Hotić, predstavnik Federalnog ministarstva okoliša i turizma - član,
3. Helena Bilbija, predstavnik Federalnog ministarstva okoliša i turizma - član,
4. Edina Đonko, predstavnik Federalnog ministarstva okoliša i turizma - član,
5. Dejan Knežević, predstavnik Federalnog ministarstva okoliša i turizma - član.

II.

Zadatak Komisije iz tačke I ovog rješenja je da provede postupak odabira proizvođača standardiziranih ploča za ugostiteljstvo koje se koriste za označavanje vrste i kategorije ugostiteljskih objekata u skladu sa zakonskim i podzakonskim aktima iz oblasti ugostiteljske djelatnosti u Federaciji Bosne i Hercegovine i uslovima iz javnog poziva.

Komisija je dužna izvršiti pripremu projektnog zadatka, pripremu i objavljivanje javnog poziva, pripremu pojašnjenja javnog poziva, otvaranje i pregled pristiglih prijavi u skladu sa javnim pozivom, sačinjavanje zapisnika o ocjeni prijavi, sačinjavanje izvještaja provedenom javnom pozivu i davanje preporuka federalnom ministru okoliša i turizma za donošenje odluke o odabiru proizvođača standardiziranih ploča za

ugostiteljstvo, koji ispunjavaju uslove javnog poziva ili odluke o poništenju javnog poziva.

III.

Komisija je obavezna nakon izvršenih poslova i zadataka iz tačke II ovog rješenja dostaviti Izvještaj o radu federalnom ministru okoliša i turizma po okončanju povjerenih zadataka za koje je Komisija osnovana.

Rok za izvršenje povjerenih zadataka iznosi šezdeset dana.

IV.

Za učešće u radu Komisije, posebnim rješenjem, predsjedniku i članovima se utvrđuje naknada u skladu sa Uredbom o načinu osnivanja i utvrđivanja visine naknade za rad radnih tijela osnovanih od strane Vlade Federacije Bosne i Hercegovine i rukovodioca federalnih organa državne službe, srazmjerno prisustvu radnim sjednicama pod uslovom da su zadatke za koje su zaduženi obavljali izvan redovnog radnog vremena.

V.

Ovo rješenje stupa na snagu danom donošenja i objavit će se u "Službenim novinama Federacije BiH".

Broj 06-22-987/16  
20. jula/srpnja 2016. godine  
Sarajevo

Ministrica  
**Dr. Edita Đapo**, s. r.

**USTAVNI SUD FEDERACIJE  
BOSNE I HERCEGOVINE**

1523

Ustavni sud Federacije Bosne i Hercegovine, odlučujući o zahtjevu Doma naroda i Predstavničkog doma Parlamenta Federacije Bosne i Hercegovine, u vezi prijedloga o preispitivanju presude Ustavnog suda Federacije Bosne i Hercegovine, broj U-15/10 od 02.12.2016. godine, u vezi ocjene ustavnosti odredaba člana 73. Zakona o notarima, na osnovu člana 43. stav 3. Poslovnika Ustavnog suda Federacije Bosne i Hercegovine ("Službene novine Federacije BiH", br. 40/10 i 18/16), na sjednici održanoj dana 08.07. 2016. godine, donio je

**RJEŠENJE**

Odbija se Prijedlog Doma naroda i Predstavničkog doma Parlamenta Federacije Bosne i Hercegovine o preispitivanju presude Ustavnog suda Federacije Bosne i Hercegovine, broj U-15/10 ("Službene novine Federacije BiH", broj 30/16).

Rješenje objaviti u "Službenim novinama Federacije BiH".

**Obrazloženje**

**1. Podnosioci zahtjeva i predmet zahtjeva**

Predsjedavajuća Doma naroda Parlamenta Federacije Bosne i Hercegovine i Predsjedavajući Predstavničkog doma Parlamenta Federacije Bosne i Hercegovine, (u daljem tekstu: podnosioci zahtjeva), dana 25.02.2016. godine Ustavnom sudu Federacije Bosne i Hercegovine (u daljem tekstu: Ustavni sud Federacije), podnijeli su akt označen kao: "zahtjev za preotvaranje rasprave i ponovno odlučivanje u predmetu broj: U-15/10" (u daljem tekstu: prijedlog o preispitivanju presude Suda), smatrajući da su odredbe člana 73. Zakona o notarima temporalnog karaktera (u daljem tekstu: osporeni član 73. Zakona), te da Ustavni sud Federacije, odbaci zahtjev Potpredsjednice Federacije Bosne i Hercegovine, za ocjenu ustavnosti osporenog člana 73. Zakona, obzirom da je isti temporalnog karaktera, čija primjena je prestala, prije održavanja javne rasprave Ustavnog suda Federacije Bosne i Hercegovine, održane dana 14.10.2015. godine.